

弘治

皇華集

六



皇華集卷之十編目

弘治元年戊申頒勅諭使一

正右春坊右庶子兼翰林院侍講董越

副工科右給事中王敞

遠接使吏曹判書許琮



序

皇帝位九五之初大誥四方萬國與天下更始以  
我國世守侯度秉禮惟舊於是選於朝以右春坊  
右庶子兼侍講董公爲之使貳以工科右給事中  
王公捧 綸音沛 鴻恩我 殿下對 天威如  
咫尺歆使華之文雅肅敬將禮旣謂左右若曰  
帝眷小邦今茲繼統出政之始而特命經幄之臣  
金閨之彥如兩公者來覃施德意使我東人有所  
矜式其爲賜重矣然兩公不可畱則其所畱詩若  
文宜取以爲集以壽其傳以寓景仰之思仍 命

臣序之臣竊見雙鳳聯翩口噉芝詔出自丹青  
止於青丘者兩公之儀度也珠璣錯落卷軸連車  
提封萬里盡入牢籠者兩公之詞藻也則兩公雖  
不可留而兩公之所留之者大矣臣嘗讀詩至皇  
皇者華則知遣使之重四牡騤騤則知勞使之切  
且孔聖以使於四方不辱君命爲士之才古之人  
未嘗不以使職爲難而能稱其職者蓋鮮雖有能  
稱其職者能賦其雅章而彰國家之盛美者尤亦  
鮮矣今兩公溫厚之資宏偉之器加之以積學之  
功涵養之深所際者文明之時所處者清切之地

故其施諸事也言中度而行中禮其發於詩也雄  
渾而雅精深而暢雍雍乎足以鳴大雅之隆噫兩  
公之來也益有以知 聖朝人才之懿治教之休  
而兩公使乎之才無讓於皇華四牡之大夫矣豈  
但使四方不辱君命云乎哉而况江都經術世稱  
其醇河汾道學講之有素將見已事西歸敷奏  
彤墀錫三接之榮慰萬里之行由是而躡台階調  
玉燭笙鏞治道黼黻 皇猷翹足可竢若夫采詩  
置官王者所以觀風俗考得失也然而有天下之  
作有一國之作有周之盛有皇矣大明之雅而聖

人採之不遺乎曹檜之風吾東方貌在荒服之外  
因是編之行而得列於皇明風雅之末使天下  
後世知東方之有國亦得漸濡於皇明聲教之  
中也如是臣謹筆之以弁卷首弘治元年蒼龍戊  
申冬十月下澣資憲大夫兵曹判書兼世子右賓  
客弘文館提學藝文館提學魚世謙謹序

皇華集卷之十

朝鮮賦

自註

董越

睠彼東國朝家外藩西限鴨江東接桑暎天池殆其

南戶靺鞨為其北門

其國東南皆際海西北為建州正北為毛憐海西

八道

星分京畿獨尊翼以忠清慶尚黃海江原義取永安

意在固垣平安地稍瘠薄全羅物最富繁

京畿忠清慶尚黃海

江原永安平安全羅皆道名平安即古弁韓地慶尚即古辰韓地全羅即古馬韓地

其袤也道

里二千延則加倍

其國東西二千里誌書云北四千

南視古也國封

三四今則獨存

新羅百濟耽羅今皆為所有

盖惟不蹈前人之覆

轍所以獨蒙

昭代之深恩也

詔許建邦自為聲

教

本朝洪武二年詔許高麗國王自為聲教

曰詩曰書視庠視校士窮則

辟蠹雕蟲宦達則搏鵬變豹

其國奉試則以寅申巳亥年會

朝廷正朔鄉

試殿試則以子午卯酉年

農勤稼穡技習工巧官多做古俸則給

田刑不以宮盜乃荷校

闔宦皆非宮刑惟取如時傷疾者為之所以甚少惟盜賊

則不輕貸此事以詢諸三四通事所言皆合

買遷一以粟布隨居積以為

羸用使盡禁金銀雖鎰銖而亦較

民間不許儲分文金銀以積粟布之

多者為富室其買遷交易一以此田賦以結代畝牛耕四以此其國貪官少者亦以此

日者乃收四斗之租

盡一牛之力耕四日之地為一結

士養以類定

員身寄二齋者皆食二時之稍

成均館常養五百人每三歲以明經取者

謂之生員以詩賦取者謂之進士又自南中東西四學升者謂之升學四學避北不敢名尊朝廷也生員

進士居上齋升學居下齋生員進士須殿試中者乃謂之式年乃入官否則仍養於成均館式年每三歲

止取三十人官非三品綺繡不得文身小官皆服紬布不

青色者亦不常服民受一廬禾麻則皆穿窄其歲亦

其最可道者國有八十之老則男女皆錫燕以覃其

恩每歲季秋王燕八十之老人子有三年之喪雖奴

僕亦許行以成其孝國俗喪必三年且尚廬墓奴僕

者亦王都設歸厚之署儲棺槨以濟乎貧窮其國棺

松然自一路觀之中材者鄉飲嚴揚解之文秩豆邊

以戒其喧鬧文與華同惟改朝婚媾謹乎媒妁子出

再醮者雖多學亦不得齒於士流俗恥再嫁再嫁所

子皆不許入門第最重簪纓世列兩班者或匪彝則

皆不為之禮貌以先世常兼文武官者謂之兩班兩

不善則國至若家不許藏博具基局雙陸之類民祭

則皆立家廟大夫乃祭三代士庶則止祖考此皆自

箕子而流其風韻而亦視中國為之則倣也已上皆

使吏曹判書許琮具道風俗帖凡為城郭皆枕高山間出岡麓亦視

彎環大者則聳飛飛之雉堞小者亦雄屹屹之豹關

盖自義順而歷宣川義順館名在義州鴨綠江東岸

東其間雖有龍虎山名龍川熊骨山名鐵山之噴屹

惟郭山更凌乎霄漢郭山郡名其城在山又自新安

郭山郡名其城在山

又自新安

館名在定而度大定江名在博川郡即古朱蒙南奔州前有樓至此魚鱉成橋處又名博川江

其山雖有天馬山名定鳳頭之巢業鳳頭即嘉山郡鎮山自鴨綠東

行惟嘉山嶺最高其嶺有日曉而安州又倚乎潺湲

星曰望海皆為使節所經之處

安州城下瞰薩水上有百祥樓即隋師伐高郡肅川

麗時敗績處又名清川江城內有安興館而館安定

而邑順安勢皆不於原野樓肅寧肅寧館前有樓

館名屬地乃稍就寬閒惟彼西京地最夷曠隨勢命

名是曰平壤爰自有國已高築臨水之維城曾幾何

時又近移北山之疊嶂也平壤城最古箕子初封時已有之至高句麗又病其

不據險復就城北增等一城東瞰大同江北接錦繡

山箕子後傳至西漢有名準者為燕人衛滿所逐徙

都馬韓之地自餘諸州壤多燥赤間有黃壤亦雜沙

今無後焉

石惟此近郭土則黏埴形存畎澮溝塗

舊城內箕子所畫井田形

制尚有存者如樹宜禾麻菽麥厥草乃廡厥木乃喬直路之類是也

至此乃有高柳如中國者葉有鳴蜩草有秀蔓錦繡峰遠接龍山

之兀兀

龍山一名九龍山一名魯陽山在錦繡山北二十里山頂有九十九池

浮碧樓

下瞰沮水之滔滔古大同之沮水麒麟尚餘乎石窟

麒麟窟在

浮碧樓下世傳東明王乘麒麟馬入此窟從地中出朝天厠上昇今馬跡尚存駝羊半棄於

山腰

舊時厠皆在荆棘

殿餘故址松偃危橋慨往事之莫

畱如見現之聿消孔庭設像皆冕而裳亦有青衿濟

濟道旁軟羅巾幘帶飄且揚皮革襪履底尖而方候

則鞠躬進則趨踰

生徒皆戴軟羅巾垂一帶青襪衫足穿尖頭方底皮鞋有襪

東

有箕祠禮設木主題曰朝鮮後代始祖蓋尊檀君爲

其建邦啓土宜以箕子爲其繼世傳緒也檀君帝堯甲辰年開

國于此後入九月山不知所終國人世立廟祀之者以其初開國也今廟在箕子祠東有木主題曰朝鮮

始祖檀君墓在兔山維城乾隅箕子墓在城西北隅之兔山去城不半里山勢

甚高有兩翁仲如唐巾裙點以爛斑之苔蘚如衣錦繡

之文襦左右列以跪乳之石羊碑碣馱以昂首之龜

趺爲圓亭以設拜位累亂石以爲庭除此則其報本

之意雖隆而備物之禮亦疏也大同旣渡山漸崔嵬

生陽館名載臨路更迂迴遺營壘於松陰若古塚之累

累相傳爲唐時征高麗時營壘然參差大小無序絕類冀州者予初道冀時嘗疑焉詢一老卒云是唐

王征東時謊糧堆謂其下皆著土上以米覆之如望檀道濟量沙唱籌之類意此地之營壘亦此類也

波濤於海上識洪量之恢恢地屬黃海道其北皆山其南際海成佛

嶺雄關棄石磊磊北接慈悲嶺南臨渤海在前元則名嶺

畫此為界至國朝乃示以無外也成佛嶺北枕山南枕海山巔

現高出雲表一關口棄舊時所伐贅城方石數堆詢之一通事云其北即慈悲嶺元時畫此為界此即其

關口若然則自鴨綠江東抵平壤皆為內地而朝鮮所統之八道已去其一道餘矣我聖祖則盡以界

之宜其恭順秉禮視延津江名劒水館名鳳山州名龍泉館名

環翠輦飛鳳山州名蔥秀雲連山壁立臨水濱聳拔秀麗舊名聰秀

予為易今名寶山瑞騰金巖溜穿寶山金巖皆館聖嘗為作記

居松嶽天磨朴淵聖居松嶽天磨皆山名朴淵山湫名松嶽即其鎮山聖居天磨來自

東北有五峰皆挿碧其中三峰如人并坐而中一峰尤高左右二峰稍却而低如侍者狀常護烟雲殊為

可愛予開城戾止畱都在焉蟄神物於靈湫掛瀑布

於長川山頂有龍湫瀑布相傳王氏都此時遇旱王自往禱不應有道術者檄龍出水面啓王杖

之去其數鱗今鱗仍收其國庫中通事李義開城人嘗為予道此且欲啓王出鱗觀予予以為無益遂

止閭閻萬井禾稼百廛官署亦限堂屬之尊卑廟學

亦嚴像設於聖賢今郡學即王氏時成均館聖賢皆塑像與平壤同其候館即王氏時

太平館所以視他芹浮香於泮水芸辟蠹於遺編春

風酒旆夜月管絃其民物庶蕃固非諸州之可擬而

風氣固密亦非西京之可肩盖王氏王此者踰四百

年至恭讓昏迷始權知國事於李氏而名高麗統

此者易三四姓及李氏得國乃請復舊號於朝鮮

也臨津江名濟渡坡州爰止遙瞻漢城高騰佳氣乃經

碧蹄館名乃躡弘濟樓名是爲王京屹立東鄙莫以三

角之嵯峨三角即王京之鎮山勢最高王宮陰在其山腰山巔睥睨望之集業如鉅齒

以萬松之蒼翠北聯千仞勢豈止壓千軍西望一關

路止可容一騎自弘濟東行不半里天造一關北接三角南接南山中通一騎險莫加焉

山圍郭外矯然翔鳳之覽輝東望諸山山勢皆環拱沙積松根

皜乎積雪之初霽自三角至南山山色皆白而微靄望之如雪慕華館設

於坤麓崇禮門正乎離位慕華館去城八里中爲殿前爲門凡詔至王則

出迎道左崇禮其國南門也一以憇周爰之皇華一以迓會同之

文軌 詔至也 王則袞冕郊迎臣則簪裾鵠侍巷

陌盡爲耄倪所擁塞樓臺盡爲文繡所衣被街巷人家皆如

頒降禮制設絲掛畫樂聲也若緩以嘽虞設也亦華以麗沈檀

噴曉日之煙霧桃李艷東風之綺羅駢闐動車馬之

音曼衍出魚龍之戲以下皆言陳百戲迎鰲戴山擁蓬瀛海

日光化門外東西列鰲山二座高與門等極其工巧猿抱子飲巫山峽水兩人

肩立二童子舞翻筋斗不數相國之熊嘶長風何有鹽車之

驥沿百索輕若凌波仙子躡獨趨驚見跳梁山鬼飾

獅象盡蒙解剥之馬皮舞鵷鸞更簇叅差之雉尾盖

自黃海西京兩見其陳率舞而皆不若此之善且美

也

平壤黃州皆設鰲山陳百戲

迎平壤黃州皆設鰲山陳百戲

王京為勝

太平有館

在崇禮門內中為殿

有

廊為殿門後有樓東西

廊為殿門後有樓東西

廊為殿門後有樓東西

廊為殿門後有樓東西

鍾鼓有樓

在城內四達

在城內四達

在城內四達

國中言言道周以燕以息以遨以遊卧榻則環以八

面幃屏

國俗少掛畫凡公館四壁皆列以幃屏上疎

國俗少掛畫凡公館四壁皆列以幃屏上疎

國俗少掛畫凡公館四壁皆列以幃屏上疎

國俗少掛畫凡公館四壁皆列以幃屏上疎

國俗少掛畫凡公館四壁皆列以幃屏上疎

國俗少掛畫凡公館四壁皆列以幃屏上疎

國俗少掛畫凡公館四壁皆列以幃屏上疎

簾則加以半捲香鈎雞鳴則候問安之使

每日早

每日早

每日早

每日早

每日早

每日早

每日早

一宰相

一宰相

一宰相

一宰相

一宰相

一宰相

一宰相

一宰相

楮墨以供倡酬蓋敬

王必及乎使而為禮不得不

王必及乎使而為禮不得不

王必及乎使而為禮不得不

王必及乎使而為禮不得不

王必及乎使而為禮不得不

王必及乎使而為禮不得不

王必及乎使而為禮不得不

優也宮室之制與華亦同其塗皆丹

國無銀硃桐其

國無銀硃桐其

國無銀硃桐其

國無銀硃桐其

國無銀硃桐其

國無銀硃桐其

國無銀硃桐其

覆皆甌

門如華公署所覆者

門如華公署所覆者

門如華公署所覆者

門如華公署所覆者

門如華公署所覆者

門如華公署所覆者

門如華公署所覆者

燿

前門日勤政止用金釘及環

前門日勤政止用金釘及環

前門日勤政止用金釘及環

前門日勤政止用金釘及環

前門日勤政止用金釘及環

前門日勤政止用金釘及環

前門日勤政止用金釘及環

青蔥

惟正殿日勤政者用綠琉璃餘皆不用

堂祀嚴七級之等差

級皆麤磨

戶甃勢甚陡上以席覆之

綺疏準八窓之玲瓏

殿東西壁皆設腰隔子拜部時皆

以鉤懸之

或限隔以高山則別構乎離宮

勤政仁政二殿皆各為門以入

以為山所限隔故也

大抵皆不擇乎平壙以為基而惟視氣勢

以為雄也

詔至殿庭

王則偃僂世子陪臣左右

夾輔展軒縣於階墀列障幕於庭宇

殿前及壙內皆設白布幕以色

尚白故也

仗齊一於干鹵樂作止於祝圉齊三聲於虎拜

嵩呼率兩班於鳳儀獸舞雖音聲之不可通而禮儀

亦在所取

禮一準於華加三上香三叩頭山呼時則侍衛皆拱手應闕

庭既撤賜

物亦予乃叙東西乃分賓主

宣詔畢引禮引天使降自中階東至幕次俟

王易服乃引天使由中階東陞殿引王由中階西陞殿天使居東西向王居西東向再拜序坐王之位對副使方交拜以成禮遂假譯以傳語謂藩垣稍下半席

實小國之所宜而渙汗辱洪恩之覃溥罄涓埃而

莫報雖殞越其何補惟日歌天保之周詩冀遙祝日

升之皇祐載詠隰桑之喜見載講春秋之禮序謂

列國皆先乎王人矧清光日近乎當宁也邪勤

殿序座既歆人參湯一盞畢王起身向前顧譯者張有誠李承旨傳言云小國之臣尊事朝廷禮當

而蒙勅書獎予如此洪恩難報予二人乃答云朝廷以東國素秉忠敬故恩典視他國不同又舉手

加額連稱難報語畢送予二人出弘禮門俟乘轎乃退予二人歸至大平館諸陪臣以次見畢王隨來

設燕候於館門外立東向不入執事者報予二人出迎乃揖讓入至庭交揖序坐舉酒獻酬將卒爵乃領

二譯者使言曰詩經有云隰桑有阿其葉有那既見  
君子其樂如何我得見二位大人心中懽喜不盡予  
二人亦稱其賢且敘謝其途次燕接之厚將即席復  
與之禮讓乃云春秋之禮王人雖微列於諸侯之上  
矧二位大人是何等地位皆天子近臣今日遠臨  
小邦豈敢不讓又微笑謂二譯者曰汝不曉近臣謂  
何乃是皇帝眼前行走的予二人亦笑答譯者云  
素聞王讀書好禮今得見果然又拱手連稱惶恐  
惶門廡殿庭皆蹈以席賓主座分則加以襲彼章數  
則虬並偃而緝鱗此織文則鳳雙飛而展翼三席執事恒卷  
以隨交拜時各設之食器也間用金銀銅瓷器物也率多海陸  
珍奇主獻賓一以華禮賓酢主亦用燕儀羅蜜餌數  
至五重絜盤堆大可尺圍每器皆範銀銅爲闌干而  
綴以綠珠之絡索其上皆翦羅綺爲花葉而舞以綵

鳳之櫛

其列五重皆不用果實以蜜手麪為方員餅餌油煎之頓挫周遭玲瓏疊累高大至

尺許衛以白銀或白銅八角闌干綴以綠珠之網其上翦綠羅為四花葉又翦紅羅為四花瓣每瓣周遭

以白銅小釘綴之如華之珍珠花樣其頂上乃以銅

綠纏五絲絲為飛鳳孔雀或飛仙騫其尾展其翅首

皆俯而向賓至送折俎則除之豆籩取美觀瞻則以前大後小為序

陳列取宜嚮背則以外高內低為差

其案一字橫列每案皆然問

有羞以糝食

亦能為華之米糕蓼花之類

雜醯醢以醬醢酒則醢

釀以秬

不用秬米

雖從事之出青州者殆未能與之優劣

色香溢筯而督郵之出平原者遠不敢望其藩籬

酒味

絕類山東之秋露白邑香亦同

按排一字中覆以綃

二字橫列之惟中一按以紅綃

覆之上加油紙於上布器

左右翼三皆陳餼牢近坐一筵俟即席

王乃自舉

初即席見所設坐椅離案三尺餘莫曉所以及見王自舉一案而來乃知其自欲

申敬

充盤諸餼遇當割臣必親操

餼有牛羊豕鵝鴨品皆熟之最後一

案乃寘大饅頭一盤上以銀為蓋蓋之一大臣操刀入割牲畢剖其大饅頭之皮中皆貯小饅頭如胡桃

大殊

示特殺則牲皆獻心取肥甘則腸三實營

羊背肉之

上貫羊腸三中續獻則先同姓封君

其同宗賢者皆封君總謂之

王臣其羣臣有武功者亦次乃以及政府六曹

獻時

出席獻者之升湯一進必以五碗為數

王不自進惟此禮與華不

同器累疊不以盈尺為高

其食案甚小燔炙之几案

不容則徹於蹈藉之席

看羞與湯再進則無容處以几案上者徹置席間之地此

則其國腥膻既飫乃進以澗泚之毛從官皆鵠侍於

中外

執事者進出皆叩頭

閣譯則俯伏於周遭

閣者皆為烏紗帽黑角帶俯伏

捧

王坐椅之足通事承旨則左右俯伏以盖三燕伺傳言予二人坐後通事亦俯伏但無閣者

大平也禮皆同而文不殺一燕仁政也誠益至而力

益勞

大平館初燕為下馬燕再燕為正燕三燕為上馬燕仁政殿之燕則名私燕也初疑此禮似未

當欲與議更張及至乃知大平慕華二館其制皆殿專為奉迎天詔而設無事時王則不造及觀其

每來設燕必先於館門外小比予竣事東歸遡車言殿侯候乃入乃知不必更張

邁王則先出慕華列燕以待語益丁寧而不厭禮

益勤渠而匪懈荷脩爵之無算辱善言之至再至誦

軻書之重內謬許予黨為皆能及引晏子之贈言自

慊其才之不逮意盖將贈予以詩句惜不為予黨所

解也

是日王以予二人屢却其饋乃假譯者道意云自我祖宗來凡天使遠臨皆有微物將意今

看二位大人如此我皇恐再不敢言矣但我聞得古

人云仁者贈人以言不仁者乃贈人以金我既不能

為言徒以微物襲瀆心中甚皇恐我又會記得孟子

有云古之人修其天爵而人爵從之二位大人真修

天爵者此回必蒙殊恩此便是我贈言予二人亦以

荷王愛我以德答之予飲未酬乃領譯者請盡此

一杯明日蓋有天淵之隔矣譯者乃誤以天淵為天

運予二人解其語音而為之申說王乃笑乃送出

門又出酒勸復有遠別千里之言譯者又誤傳遠別

為永訣蓋張有誠善華語而少讀書李承旨讀書而

不熟華語每觀其傳言至汗發而猶未達殊可笑是

夜宿碧蹄館聞許吏曹談王喜作詩始悟其意

乃若山川道里淡月所經風物人情五日所得雖不

具知亦頗記憶成均國學負山枕涯前後殿堂左右

庭階

聖殿在前明倫堂官有大小司成徒有上下寄

在後四學分東西

皇華集卷十

十三

齋

生員進士居者日上齋升學居者曰下齋生員即三歲以明經取者進士即以詩賦取者升學即民

間俊秀又謂之寄齋

西京所不能倣開城所不能偕則在乎祭

不像設以瀆亂徒有進造爲朋儕也畿內之景漢江爲勝樓高礙雲水碧浮鏡渡有楊花物亦繁盛萃八道之運餉爲一國之襟領最高亭俯瞰長千百濟國接聯舊境予嘗爲之放舟倚馬爲一日之遊彼亦自慶其樂事賞心出百年之幸也達巷通衢正直無曲截然簷阿巋然華屋百家則出高墻以隔風火每室皆穿北牖以避炎燠蓋其外皆分授於官而貧富不得異制其內乃獲由己而結構惟其所欲也

其通衢兩邊皆

官廊覆以甍瓦分授居民其外莫辨其官府之署制孰爲貧富至內其室屋乃有不同者

亦不殊皆有堂寢皆飭廉隅樓翼欄楯梁冒侏儒館傳壁間盡塗以水墨不工之畫戶牖合處皆寫以混沌初分之圖此則未必盡然予但據所見而直書也貧壁編篠索綯以完其上則覆以茅茨其空則塞以泥丸其壁取荆榛之類直豎而不編以草繩約之繩約處如網罟之目每一目以一泥丸塞之王都小巷如此若塗間有荆棘反出簷端者有棟宇僅所見者則全用泥塗如困盤者此比鳳凰雖不足千仞之舉而視鷦鷯亦可託一枝之安也富則陶瓦皆甍而廡序之翼東西者棟反聳出於南北塗墍皆土而堂寢之位前後者

脊反低下於中間

堂寢皆一間廡序乃反三間

門則皆循東序之

棟設梯以升必矩步乃可達於堂寢

其門雖皆南向然不自中開皆

就東廡之棟南向以開以基多

地則皆畏下濕之沾

鋪板以隔若趺坐則皆藉以茅菅

俗皆席地而坐人設一四方蒲團以

布帛為一大枕中塞以草為坐者所依凭官府則以滿花坐為蒲團其制亦方以練色紵絲蒙草枕行則

人負所不可曉者家不豢豕蔬不設樊引重則惟見

牛馬

用馬馱者為多用牛者亦多

芻牧絕不見羊羴鮮食則蹄筌

山海蔬茹則采掇江灣

自平安至黃海二道所見皆如此

有至老村

氓而不一沾豕味者有偶沾燕賜而即夢踏菜園者

官府乃有羊豕鄉飲時或用之

與夫貧則皆葬山椒貴乃卜宅郊原

自平安黃海一路望山巔如睥睨列者皆墳也貴此者乃擇形勢有華表石羊之類然亦不見樹碑

皆出殊方異俗而不必深考細論也人露總環以分

貴賤

其國總髮之網巾皆結以馬尾以環定品級一品玉二品金三品以下銀庶人則骨角銅蚌之

類而已

童畱胎髮不間後先有甫孩提而髮已垂肩者

有歲六七而角總𦍋然者揆其畱固以遺體當重欲

其露所以戴弁皆前也民戴草帽領皆垂珠頂或圓

方色皆黑壚輿皂則穿四葉青衫頂加插羽庸人則

衣數重麻布步曳長裾惡諠譁則銜枚道路止衝突

則曳杖庭除

皂隸四葉衫惟平安黃海二道者如此京畿則不然曳杖之人皆選其長身者

亦戴大帽穿黃色土布員領繫條但不插羽

履制以皮雖泥行亦所不恤

襪縛於袴縱水涉亦所不拘衣皆素白而布縷多麤

裳則離披而襞積亦疏背有負則且俯且行有如龜

曝

其俗男子皆任在背

尊有命則且蹲且進有若鳬趨

其俗見人以蹲

踣

為敬有召命亦踣趨進而答之

人必三八乃舉一輿行不一舍又

易百夫蓋於重皆不能以肩任宜於此皆以手舉扶

也

一輿前後通用二十四人扶翼者又在外其輿如華之交椅而足短左右夾二長杠亦與華制同就

座

下設一橫木出其兩端長可六七尺前後又設二橫木長與座下橫木同欲舉時以取綿布就橫木兩

端

繞之人但以布着肩以手舉扶而行又於輿之中

問

從後至前直施長綿布二幅分着人之兩肩如馬

之駕轅狀取其不偏出女鬢掩耳不見佩璫首戴白

圈直壓眉眶

自開城府至夾道所見皆如此

王京

富貴者面乃蔽以

黑繒

富貴家女婦首戴一匡如大帽簷垂黑繒以蔽其面雖蔽面亦避人

王京乃有之貧賤

者脛不掩於素裳有位而尊乃許乘輿出入無位雖

富止許約馬超驤

二句出許吏曹所具風俗帖中

襪履布韋足皆縱

而不束

履賤者牛皮貴者鹿皮鞋多用布三四通事說皆同

衣襦布帛袖則濶

而不長上衣則皆過膝下裳則皆垂堂卑見尊亦以

蹲踞爲禮賤有事則以首戴爲常有頂盂水而手不

扶匡者有戴斛米而步亦趨蹌者此則自所見而略

陳其未見則莫得而詳也若夫所謂川浴同男郵役

皆孀始則甚駭於傳聞今則乃知已更張豈亦以

聖化之所沾濡有如漢廣之不可方也歟

予未使其國時皆傳

其俗以媼婦供事館驛予甚惡其瀆此至則見凡來  
供事者皆州縣官吏婦人則執爨於驛外之別室相  
傳此俗自景泰中其國王變之遼東韓禽多雉鳩  
副摠兵斌所談也川浴事出舊志今亦變禽多雉鳩  
雀鷄獸多麋鹿麋麇甚美山不產麇錯則昆布海衣  
礪房車螯海昆布如如紫菜而大魚則錦紋飴項重唇八  
梢送錦紋似鰕而身圓飴項如鰓但見乾者王遣人  
唇如馬鼻肉甚美其子如石首魚子細而且多鯉鯽  
人梢即江浙之望潮味頗不佳大者長四五尺鯉鯽  
隨川澤皆可以櫟清川大定臨津漢江諸水鵲雀在  
庭院多見有巢似蛤決明味獨甘於海錯入藥者其  
肉外附殼內附石一名鰕如拳紫蕨美獨勝於山肴  
魚殼沿邊有孔生海中  
藏有青紫二色與華之所出者同土人不善採凡採  
時必以錐掘地去土就根割之予授許吏曹以採法

喜至若異產川陸分馥蘭臯則有筆管酸漿筆管食甚

而甘未識其葉或云卽黃精苗紫芥白蒿王都及開城人家小

池皆水蓼之芽當歸之苗松膚之餌山參之糕松樹植芹

皮取其中之白而嫩者和杭米搗之爲糕山參非入藥者其長如指狀如蘿蔔遼人謂之山蘿蔔亦取和

杭米搗之煎爲餅餌又三月三日取嫩艾葉雜杭米粉蒸爲糕謂之艾糕其杭米色白而味香皆可

爲菹皆以薦醪果則梨栗棗柿榛松杏桃柑橘梅李

石榴葡萄梨棗榛最多在在有之皮則虎豹麝鹿狐

貉獬豸土人名獬爲微取以爲文茵重裘矢服弓橐

花則薔薇躑躅芍藥牧丹酴醾丁香雀眉山礬二月

方中櫻桃盡放季春未晦郁李皆殘予三月甲辰日自其國啓行時

棠梨花落殆盡又行數日過鴨綠江始見草多薈蔚

有初開者蓋其國漸近東南地暖故也

蒙茸樹多輪囷屈蟠石以山多沙亦有老松其堅如栢

人取爲明脂亦不滴如其栢少脂在在黃色花香者一

經春皆採子結者必隔年乃食皮松有二種其結子者

聳其子之結必隔年乃小者盡以駕溪澗之橋大者

乃以柱廟堂之石凡一路有水處皆旋取松架橋削

寶山錦一溪名曰楮灘澗二十餘丈亦以是架之其

爲梁棟亦罕得直者若樓柱亦上下二段各爲之

此則其種類不同而爲用亦各有適也五金莫究所

產最多者銅以此爲之即華所食器匙箸皆五色各

隨所用所禁者紅皆以王服御五味則醯醬爲多五

聲則音韻莫通

其國音有二樣讀書則平聲似去如以星為聖以烟為燕之類常語則多

類女真甚至以一字作三四字呼者如以八為也得理不之類是也以一字作二字呼者尤多如以父為

阿必母為類為志所稱者狼尾之筆  
一統志載所產有狼尾之筆其管小

如箭簪鬚長寸餘鋒穎而圓為武所尚者樺皮之弓詢之乃黃鼠毫所制非狼尾

弓比華制稍短然甚發箭布織以麻而以苧名者蓋出傳聞之誤

紙造以楮而以繭認者以其搗鍊之工

舊皆傳其國所出之紙為

繭造至乃知以楮為之但製造布之精以細密如縠工耳予嘗以火試之而知其然

紙所貴在捲束如筒傳油則可禦雨

其厚紙有以四幅為一張者有

以八幅為一張者通謂連幅則可障風  
隨處皆以白布為障幕陸

行之則以馬乃若所謂男子巾幘如唐今則非昔果下

之馬亦無三尺

文獻通考謂其國人戴折風之巾男子巾幘如唐今男子皆戴大帽惟

王都為

王舉輿者戴六角自綃軟巾六角皆綴白綿毼穿紫絹員領足躡尖頭皮履儼如所盡騎唐馬

謂之奚官意當時所服必皆如此故云如唐又一統志謂百濟國出果下馬其高三尺果下可乘今百濟國

詢之境正在楊花渡之南岸去王京不過二三十里之云久而無產矣但其國中道路所見馱物之馬

雖不止三尺然比中國之馬差小意者其種類也姑記以俟 惟有五葉之蓐滿花

之席

五葉蓐即本草所謂新羅人蓐也滿花席之草色黃而柔雖摺不斷比蘓州者更佳 歲貢

闕庭時供

上國百二十年來其蒙晉接之駢蕃雖

曰本乎

聖明之所錫而亦由其琛贄之絡繹也嗟

夫六義有賦惟取直陳淡月經行詎得其真矧予以

襪綫之菲才不異乎滄海之纖鱗乃能運筆端之造

化寫六合之同春惟不敢厚誣於見聞或庶幾不媿  
於咨詢

弔箕子墓辭

墓在平壤城之西北隅予自東國歸取道辰  
拜時風雨淒迷不覺使人有泫然意盖秉彝  
好德所發非勉強也因爲辭三章以弔云

雲冥冥兮樹陰雨濛濛兮山深憇駢駢兮中路瞻埋  
玉兮遙岑石粼粼兮苔蘚侵一瞻拜兮淚沾襟慨斯  
情兮曷以不少間兮古今吁嗟不死兮維人之心

其二

屹屹兮幽宮胡爲兮自東肇我封兮周武不我好兮  
狡童顧瞻遺墟兮禾黍芄芄沾丐殊方兮一德同風  
流千百世兮伊誰之功吁嗟三尺兮封土宜崇

其三

鼓坎坎兮笛聲悠悠酒欣欣兮更進肴羞東人報祀  
兮不爽春秋冀神來遊兮慰我夷猶戒我東人兮勿  
翦松楸畱此美蔭兮永蔽斯丘吁嗟此外兮亦又何  
求

王 敞

蔭夏木兮重陰薙荆榛兮草深望孤墳兮何許蔽木

蘭兮高岑碑剝落兮霜雪侵風蕭蕭兮滌煩襟邾鄆  
定鼎兮久淪沒八條垂教兮以迄于今嗚呼道脉相  
延兮曠百世而同心

其二

瓊臺兮瑤宮紂惡貫盈兮黃鉞載東棄老成兮用掄  
克盛女謁兮比頑童故都陸沉兮其麥芄芄新封肇  
造兮載振儒風海堧向化兮仰厥神功有廟翼翼兮  
祀典攸崇

其三

雨冥冥兮江悠悠奠椒漿兮羅珍羞玄堂秘兮閔千

秋九疇叙兮垂遠猶墓木昂霄兮白楊山楸涕淚交  
橫兮過此山丘彼昏不知兮謂我何求

次韻

許琮

幽宮一閉兮城之陰千秋萬世兮山高水深花鳥  
兮空林雲煙兮重岑樹木千章兮斧斤莫侵靈雨  
兮紛紛神飈兮開襟嗚呼不死兮不去情泯默於  
古今非宣尼三仁之目兮孰明斯心

平原撫撫兮維子之宮大道不宣兮天私于東人  
兮歌詠兮暨牧豎與樵童餘澤靡泯兮草木芃芃  
民淳而俗朴兮夫子之風跼敷衽以敬弔兮仰千

古之元功名與水兮流長德與山兮俱崇

陵谷變遷兮歲月悠悠報事不怠兮荃蕙爲羞山  
空月明兮猿春鶴秋靈之來兮霏霏靈之去兮猶  
猶行旣遠而回望雲不散兮長楸嗚呼天地一馬  
古今一丘故國萬里兮往事茫茫福此下民兮靈  
毋他求

聖訓

皇華集卷之十

皇華集卷之十一編目

弘治元年戊申頒勅諭使二

皇華集

卷之二十一 詩目

卷之二十一 詩目

皇華集卷之十一

車輦舘蟠松

入東國來覽途次山川時有所得至晚輒復  
忘去偶記一二用錄求教董越頓首黃門王

先生

三月朔阻雨安興  
舘漫錄凡五首

偃蹇槎牙出道周層霄白日見蟠虬炎蒸謾逼三庚  
伏爽氣常從六月浮青蓋曉隨天使節驚濤夜泛  
海門舟掄材曾上祖徠頂回首丘山憶萬牛

郭山孝女

曾讀文僖孝女詩久知東國重民彝歿生已落千年

夢表樹猶存三尺碑雲鎖北山天漠漠水聲南澗草  
離離經春使節還過此欲繼前人覺思遲

新安館卽事

弭節臨山館張燈夜燕時通言雖用譯卻樂不煩詩  
館伴先知禮從行亦有儀因思 聖明化元不隔藩  
籬

渡大定江

過盡崔嵬幾日山馬頭驚喜聽潺湲澄涵上下碧千  
頃橫界東南玉一灣搖曳正聯青雀渡驅馳不似白  
鷗閒滔滔莫道渾無以曾共仙槎萬里還

登百祥樓

晴川高露碧崔嵬此日登臨亦壯哉水漾鳬波清  
淺雲隨鳥翼去還來一簾香霧濃陰合四面青山  
罨畫開使節東歸應指日與君重上醉餘杯

次蟠松韻

王敞

老幹重陰匝四周翠濤深處擁蒼虬根盤屈鐵經霜  
古影落寒潭盡日浮海錯盤擎絲作膾瓷罍酒薦玉  
爲舟德星此日三韓聚應有虹光射斗牛

飲松下  
故云云

時許判書  
出盤羞小

次韻

許琮

琮頓首皇華內翰大人不鄙遠人辱贈佳  
什盥手展誦如得拱璧琮少事詩書旣筮  
仕執掌職事久廢筆硯何以仰答雅意然  
重違嚴命僅掇荒句希賜一粲

托根官道幾星周老幹輪囷卧翠虬石齒碎江風  
力峭蒼髯蒙霧曉光浮曾迷白鶴三秋夢堪作黃  
龍萬斛舟夜靜空山明月冷欲隨雷雨化青牛右

輦館盤  
松韻

女中純孝類姜詩一片衷誠自秉彝水繞山圍虛  
故里風磨日炙只殘碑雨餘草樹增青翠日暮雲

霞更陸離玉署名賢來駐節却尋遺跡得歸遲

右郭

山孝女韻

丹山瑞世鳳雲路際明時闕下初銜命周南爲

採詩文章唐制作冠冕漢威儀應笑山翁醉臨風

倒接籬

右新安館卽事韻

一派來從塞外山西流百折送潺湲煙拖松影迷

青嶂風送桃花漲碧灣草合芳堤鷗睡早天空絕

塞鴈飛閒金閨多少皇華使此地星軺幾往還

右渡

大定江韻

草樹淒迷石磴崑雕闌十二興佳哉鳳銜丹詔

從天下鰲戴青山跨海來落日蒸紅雲葉晚長風  
捲白浪花開羅衫斗覺春寒緊爲向尊前送一杯

右登百  
祥樓韻

吏曹出佳句雨中見畱因足成一絕且索內翰

董先生一和

王 敞

天教好雨畱佳客 帝遣詞臣下碧蹄但使肩輿能  
代步不妨險路更衝泥

次韻

許 琮

螭頭朝退午門西香土東華散馬蹄兩袖忽擎  
鸞詔至晴霞五色濕金泥

黃門足吏曹詩意似絕而實有天然對偶者存  
因續貂尾以紀一時

董越

塵迷墟莽須滋浥  
暝落林花足品題  
拂曙山巔定紅日  
行人休聽鷓鴣啼

次韻

許琮

韶光如酒着人迷  
謾把霜毫取次題  
山北山南春雨歇  
隔林紅日鷓鴣啼

三月朔安興館遇雨予將促行許吏曹命譯者  
苦畱且屢有天教好雨畱佳客之誦因摘爲六  
言七首用博一粲中書君已老而禿甚不奏功

况值我疾行殊無好步二妙之來益見涇渭聊  
以答意諒不外也越頓首黃門王同事先生

董越

煌煌使節東指戀戀丹心北懸阻客忽驚朝雨舉頭  
欲問青天

其二

去去敢辭體倦行行恐負邦交漢署編摩久待周南  
畱滯誰教

其三

君門雨露同承客路冰霜共保從教百爾能畱不似

一行尤好

其四

承恩獨愧尋常計日兩經三五夜來客館衾裯夢  
斷林臯煙雨

其五

幾日長亭車馬三春高閣置郵怕聽山中格磔愁聞  
柳外栗留

其六

山頂全無斥堠林間只見人家風物撩人不盡壺觴  
勸客尤佳

其七

簷前急雨翻盆頭上濃雲潑墨主人想已禱祈愛我  
於焉嘉客

安興雨阻許判書誦天教好雨畱佳客句余以  
絕足之董先生復每字押以六言一首遂廣之  
於後

王 敞

山路衝泥滑滑歸心入夜懸懸安得倚空長劒肯教  
纖霧遮天

其二

賓館只宜禮飲 王臣豈可幣交東行萬里誰願暫

畱一日天教

其三

鶯花三月誰游遠道一身自保北堂入夜興思東歸  
指日纔好

其四

乘槎遠笑張騫歇後還思鄭五清江兩岸人家喜殺  
一犁春雨

其五

策馬纔過東站樞衣便見督郵倦客擁衾高卧主人  
投轄能畱

其六

山路盤盤鳥道溪流曲曲人家高閣坐來稱快晚山  
一望尤佳

其七

常時懶就詩篇此日纔拈筆墨不辭遠路賢勞應笑  
常年爲客

次韻

許琮

遼海軒車暫駐玉堂魂夢長懸回首歸鴻沒處黃  
雲白草連天

學士金鑾大老古人黃卷神交咨詢原隰靡盬樹

立勲名早教

德音忽布遐方皇雅宜歌天保海山隨處堪畱點  
檢風光也好

林花白白紅紅遊騎三三五五怪來滿眼韶光昨  
夜一天風雨

黃道新瞻日馭青丘遠遣星郵眷我褒衣博帶  
愛之安得遲畱

犖确坡頭村路微茫沙上漁家籃輿細雨鳴處收  
拾清詩儘佳

醇儒學貫天人良史名高翰墨竭來海上觀風人

道好看此客

喜晴復用前韻謾成七首

王 敞

雨脚沉沉低墜心旌曳曳高懸新柳條垂江岸落霞  
光射晴天

其二

點水漁舟泛泛轉枝黃鳥交交煙雨撲簾可厭紅塵  
拂面寧教

其三

誰言伯夷能廉自笑曾參可保四知弗受堪誇一硯  
不持更好

其四

鴨江遠路三千鳳閣去天尺五不辭涉水登山却喜清塵微雨

其五

海氣遙連薩水湖光絕類高郵爲愛層樓空濶不堪酒盞淹畱

其六

雨歇裁詩排悶夢回欹枕思家白鳥飛來還去青山洗後尤佳

其七

東行何止千山到處曾題一墨任他缺見儒生笑我  
無能狂客

次韻

許琮

半嶺斜陽欲沒一眉新月高懸興至悠然倚杖隔  
林啼鳥春天

桃花巷陌紅糝楊柳池塘翠交行止詎云天定淹  
畱或使人教

百歲黃梁未炊是身憂樂難保向來水色林光春  
欲暮時方好

皇風暨北漸東帝德登三邁五使者來頒詔

書隨車忽霈甘雨

蹇輟論思經幄久勞車騎馳郵應念局中文會那  
教海外乞畱

白鷺翻飛細雨青林曲抱不家此間詩語能妙晴  
後山光更佳

襍牋雲靄春空拈筆鴉棲醉墨東人拭眼爭看信  
是金門羽客

次喜晴六言疊韻

董越

簷外飛絲已斷山顛瀑布猶懸愁殺悠悠去路忽瞻  
蕩蕩遙天

其二

二月風光已過暮春節候初交迢遞沂濱莫到馳驅  
箕甸從教

其三

從來行止非人明日陰晴未保不於客路懸情豈識  
斯言最好

其四

寒雞喔喔聞三戍鼓聲聲報五夢回青草池塘腸斷  
綠荷風雨

其五

雨樹已爲晴樹前郵又作後郵最愛肩輿便捷不教  
半步遲留

其六

短見每憐渠輩大方今屬君家話久精神倍爽詩來  
楮墨尤佳

其七

遙遙緩步安車落落客卿子墨青山謾笑行人何處  
獨無愁客

次韻

許琮

金馬玉堂地禁銀魚紫綬腰懸功名正自來逼萬

里鵬搏九天

傾盖似曾相識盍簪正可論交高樓綠酒紅燭歸  
騎忽忽莫教

風流玉署神仙道德青宮傳保海底手傾蛟盤明  
珠箇箇俱好

金閨鳳無一雙紫極龍飛九五忽聞泥緘下天  
江頭候騎如雨

白晝玄菟路遠東來二十八郵鑿坡歸夢一覺兩  
袖天香尚畱

東風舊雨今雨西崦三家五家蒼壑忽回馬首野

桃山杏皆佳

晴虹萬丈飛空璽  
紙香生寶墨玉斧繡衣使者丹  
臺紫府仙客

登百祥樓

王敞

江雲樹影共悠悠  
萬里風煙豁壯眸  
紫禁遠連天  
北極夕陽閒倚郭  
西樓微茫弱水通  
玄圃咫尺扶桑  
隔鳳洲我欲天涯窮  
勝槩一杯消盡古今愁

次韻

許琮

早世功名不謬悠  
東來隨處展雙眸  
胸中必種千  
苗玉手下應修  
五鳳樓綺席淋漓傾白墮  
雲山指

點認玄洲潮來定有蓬萊信莫向斜陽起遠愁

越素性不喜作詩有使事來日惟知以急君  
命爲念殊無暇役志於風花三月朔滯雨安興  
許吏曹畱之甚力旣屢誦天教好雨畱佳客之  
句以感予乃用摘其字爲六言詩七首謾錄求  
教反蒙賜和入夜仰瞻霄漢喜解剥雲陰明日  
東奔盖未占而有孚者復成二律志喜希賜教  
焉

董越

細雨簷花濕未收燈前相對思夷猶新晴夜報勞鍾  
鼓碧漢星瞻見斗牛鬣鬣曉風隨使節瞳瞳初日上

簾鈎天心應念馳驅久不遣皇華更滯留

其二

候館寒燈未落花曉鍾有雀噪簾牙沙堤得水偏驕  
馬池草經春未聽蛙爲客每驚時序改兼程肯信道  
途賒賢王拱極心方切祗恐頻勞候使華

次韻

許琮

城上雲煙散不收爲教華節暫夷猶人生本是戰  
蠻觸世事真如風馬牛江柳搖春縈土勒海霞伴  
日照金鈎感時對景須行樂尊酒何妨處處留  
腹有詩書筆有花勲名不日建高牙文章共說關

皇朝詩集  
西鳳櫟歎深慙井底蛙雨壓花枝低復舉雲遮山  
色近還賒前途此去千餘里拭眼人爭看使華

平壤城謁箕子廟

董越

象箸當年託意深臺池那復救荒淫誰云被髮佯狂  
態不是捐軀獻靖心禹範一篇陳大道東人千古仰  
遺音偶來歇馬瞻祠廟桂酒椒漿且一斟

其二

玉馬西周不共朝冠裳東國儼清標高風謾說凌三  
代遺教猶聞守八條廟古松枝惟有鶴林深桑椹已  
無鴟驛程旌節三春暮幾欲臨風賦大招

次韻

許琮

瑤琴一曲意何深可忍君王恣酒淫  
麥秀殷墟空慘目茅分海國肯甘心  
書陳八政思傳法名列三仁  
遇賞音日暮空庭山雨下只將明水喚人斟  
孤忠終不向西朝盛德長爲萬世標  
古碣倚墻微有字寒松溜雨半無條  
岡巒斗起傳名兔草棘叢深不萃  
鵲擬作廟中迎送曲臨風不用楚辭招

城西兔山上

謁箕子廟

王敞

眼看九廟便淪污萬國嗷嗷怨獨夫  
但使一言能悟

主敢論諸父父爲奴下車見訪周王日洪範聊陳大  
禹謨一脉斯文傳海外肯騎玉馬過東都

其二

拒諫荒淫不忍聞幾年縲紲敢忘君鉅橋有粟嗟誰  
食寶玉空衣愧自焚一木豈能支大厦九疇何幸託  
斯文武庚他日還齏粉始覺佯狂誤老臣

其三

昧爽前徒忽倒戈三分天下盡消磨新封遠賜朝鮮  
地故國空遺麥秀歌青史大名垂汗簡碧山古廟偃  
松蘿勞勞今古多成敗閒看江雲逐逝波

次韻

許琮

彊韻之和非大手不能然大人有命義不  
敢辭謹錄奉求教

處身皆是厭卑污可惜佯狂作匹夫隱忍苟存非  
愛死彷徨不去任囚奴明夷在易成爻象皇極終  
天炳聖謨餘業未能傳萬代江山空自說西都  
三仁行迹聳前聞惻怛應同各愛君四海有心歸  
聖德一身無力救兵焚八條教法能傳世萬古流  
風煥有文大道在余寧可泯受封非是作周臣  
由來哲婦作干戈殷鑑分明久不磨終古有人悲

曲操至今無酒酹朝歌新祠是處羞蘋藻故國遺  
墟長薜蘿想見當年無限思繞城唯有水生波

渡大同江

董越

曉風吹上木蘭舟倚棹停杯看碧流汀樹帶煙迷渡  
口漁蓑衝雨傍磯頭冰盤膾斫銀絲細石鼎茶翻雪  
浪浮已遣前驅戒行李一尊仍爲主人留

次韻

許琮

悠悠身世一虛舟穩泛滄江萬里流雉堞倚雲聯  
鴈齒鷗波袞雪映螭頭青連平楚煙光合黑入中  
流暝色浮自是尊前情縈繞肯緣光景爲遲留

渡大同江

王 敞

清尊消白日錦纜下樓船  
沃壤連平壤江天作雨天  
花明春欲暮沙暖水生煙  
勝槩歸題品狂歌一叩舷

其二

涓水元歸海山城半入江  
春潮翻石壁飛雨打船窗  
作賦才誰健凌雲意未降  
濟川輸董相不日看經邦

次韻

許 琮

海近潮平岸風生浪逆船  
鷗來迎玉節帆去襯雲  
天細雨全沉樹孤城半帶煙  
滄洲興不盡臨去更  
憑舷

鳴鴈去尋塞飛花吹度江風光收客橐笑語出僧  
窗雲路人爭羨詩壇孰不降千金雖未費珠玉散  
東邦

登浮碧樓

董越

傑棟層簷出薜蘿凭高一望意何多遠峰秀聳郎官  
筆斷岸斜穿織女梭江雨釀寒來樹杪嶺雲分暝落  
巖阿悠悠不盡登臨興又上蘭舟聽棹歌

其二

穿雲尋石磴衝雨上高寒樹色凌飛翼江聲入畫欄  
誰教風力峻自覺酒腸寬黃鶴磯邊意分明付大觀

次韻

許琮

宰雲危構蔭煙蘿濕翠溶溶拂袖多  
遠岫和空迷鳳髻斷雲拖雨起  
龍梭數家茅店臨江渚百道苓  
泉落澗阿安得月明携笛去  
倚闌重聽扣舷歌

層崖高疊翠小雨送輕寒  
白水三千頃紅樓十二  
欄鴈飛沙磧遠鶻沒海天寬  
世事江聲外悠悠獨  
靜觀

登浮碧樓

王敞

山閣凌空起孤雲挾雨飛  
好花臨驛路小艇占漁磯  
石磴斜通郭煙村半掩扉  
主人畱客意薄暮肯言歸

其二

輕陰時作暝斷岸且維舟不意皇華使真成赤壁遊  
江山供老眼酒盞散春愁花柳如相待東歸盡日畱

次韻

許琮

渚草平如剪江雲濕不飛綺霞飄酒席桃浪濺苔  
磯古寺蘿垂壁漁家水入扉眼前多少景惆悵客  
將歸

際野迢迢岫橫江點點舟百年逢勝賞千里伴清  
遊柳嫩枝枝好花殘片片愁雲煙如有意未許暫  
相畱

松林晚照

王 敞

空山落日翠煙微  
點點歸鴉向北飛  
坐久酷憐風景好  
春寒不覺透羅衣

董 越

盤礴松陰坐翠微  
隔林斜日亂煙飛  
江南三月無邊景  
到此偏傷未拂衣

次韻

許 琮

青煙喬木遠稀微  
落日天低一鴈飛  
爲愛蒼官仍坐久  
近山嵐氣濕人衣

一村桑柘夕陽微  
芳草萋萋柳絮飛  
已過蘭亭修

袂後風寒猶未着春衣

登鳳山樓

董越

鳳山樓頭坐日斜  
煙橫雉堞迷歸鴉  
春深晝靜人不  
到  
閑徧滿林桃杏花

次韻

許琮

獨倚雕欄帽影斜  
客中衰髻已非鴉  
不禁杜宇聲  
聲苦啼盡東風第一花

初七日出黃州道上遇雨

董越

初旭輝輝映旆旌  
馬蹄蹢躅望東行  
看山未久還蓑笠  
始信春無三日晴

其二

雨滴松根如夜漏  
雲蒸山腹似朝炊  
麥歧已綠鶯花老  
春去行人尚未知

其三

悠悠駟騎催明發  
道上牛車已沒牽  
林深鳥語似笑人  
連叫數聲泥滑滑

其四

古道羊腸驚百折  
輿人十步九蹉跎  
水濱木末憶少陵  
此語似緣今日設

其五

行人跛鼈出後先新路鮎髻更沫涎望煙疑與前驛  
近却是燒畬人種田

其六

平生不識行路難東來况值多晴乾泥塗今日何所  
似百丈牽船上急灘

道旁初見耕水田

道上潢汚沾馬足原頭青草沒牛蹄十年迢遞鄉關  
夢今日初看輓負犁

奉和董先生黃海道中苦雨六絕 王 敞

癡雲林外拂霓旌瘦馬衝泥緩轡行旭日籠煙翻作

雨長途何用卜陰晴

其二

草屋疎籬傍翠微  
輕煙雨濕見晨炊  
春風着物渾無迹  
水暖池塘鴨未知

其三

東行輜重凌晨發  
忽聽間關車設牽  
泥途况復盤羊腸  
布襪青鞋愁更滑

其四

叱御王尊逢九折  
走坂何曾經一跌  
坦途微雨誰驚心  
西蜀飽看天險設

其五

雨暗空林生野煙  
碧溪寒溜帶蛟涎  
老農相見還相  
慰山北山南好種田

其六

萬里長驅蜀道難  
青衫蓆帽不曾乾  
歸來巫峽曾經  
險夢裏還愁過葉灘

次韻

許琮

濛濛春雨濕前旌  
小傘輕輿散漫行  
花綻柳搖看  
漸異好將詩律了陰晴

青山白屋映朝暉  
一帶輕煙濕未炊  
道上時時如

見畫尋常過客不曾知

星輶日日侵晨發安得畱公飲投牽黃州坂上雨  
如絲預恐脩途踏泥滑

馬足凌兢車軸折人間涉世憂蹉跌從公如在大  
道行蓋笠帷輶不須設

大手文章孰敢先草詞前殿藝龍涎自能稽古蒙  
恩遇誰念蘇卿負郭田

小雨長途每作難春泥汨汨幾時乾馬蹄喜入前  
山去欲洗塵纓向碧灘

奉和董先生道旁初見耕水田韻 王 敞

鴨江千里過遼西山草山花送馬蹄獨喜前村誰氏  
子短蓑輕笠謾扶犁

次韻

許琮

春渠滴滴走平堤兩角吳犍利四蹄東作漸看農  
事殷暮年幽興在耕犁

晚宿鳳山館登環翠樓

王敞

老鳳峻嶒飛不起曳尾垂頭三十里畫棟層樓半入  
雲昏曉煙嵐割青紫東連碧海翻鯨波三山點點迷  
翠螺驂鸞跨鶴下僊侶半夜月明聞嘯歌雕欄十二  
轉迢遞四面峰巒攢佛髻試將老手親摩挲冷翠淋

溽濕衣袂東風三月隨輶車柳條着水芹弩芽巡簷  
始覺春已暮閑遍櫻桃幾樹花直北孤城大如斗石  
壁傾頽麋鹿走幾椽茅屋帶斜陽一望蓬蒿生戶牖  
乾坤一統歸 皇明此邦秉禮尤輸誠累朝恩寵頗  
殊絕萬年獨奉春王正 天王出震臨皇極每遣儒  
臣頒詔勅壁間詞賦多名臣指點從前頗相識百年  
我復趨後塵改元又况當戊申短歌聊爾紀歲月繼  
此寧無我輩人

次韻

許琮

蒼山雄雄半空起根盤后土深幾里秋露下滴芙蓉

蓉青夕陽倒射瑪瑙紫高樓風卷幕生波晴光入  
簾堆煙螺嘈嘈天樂墜林杪翠鳳雙舞青鸞歌望  
中瀛海路迢遞鼇岑隱暎如露髻飢來正思安期  
棗興酣欲挹浮丘袂雲端不見來颿車金鼎誰與  
論黃芽人間烏兔一瞥眼千歲蟠桃三着花玉酒  
萬斛斟北斗醉眼爛爛青電走一聲長嘯海天空  
餘響嫋嫋動窓牖 皇家熙運開文明玉帛萬國  
供丹誠金甌海嶽無寸兵璿璣曆象頒新正鼇禁  
仙客下丹極飛向東藩傳玉勅霞裾霓珮風泠然  
握手一笑如舊識恨無瀛洲九斛塵此情炯炯何

由申相逢未幾又相送林鶯啼斷能愁人

許吏曹黃海道中炮麇具飯余嘉其能樂賓也  
作炮麇以紀之因錄呈用博一笑 王 敞

野麇適何來茫然觸羅網行厨當珍羞價直五千緡  
庖人鼓鑿刀解剥恣來徃眼光頗凝盼鼻息尚餘響  
翻翻肉脫皮汨汨血流頽衆脍不盈束一臠大如掌  
當壚沃酒醬入火貫荆杖細切堆瓷盤下箸復歎賞  
愧彼子鵝炙氣味遠相讓芻豢何足誇八珍爾爲長  
鄙性厭腥膻逆鼻惡魚鯊班龍與此麇略不掛念想  
入口破天荒飽食非勉彊何當事春蒐一網盡餘黨

豈爲窮口腹藉爾供宴饗

曉起辱黃門王先生見示道次炮麕古作走筆  
奉答盖亦以嘉主人之禮也

董越

行厨具午餉設幕如張網看珍羅滿前  
費直幾緡錙馬頭見儻俟此事驚已往  
坐久聞庖丁忽鼓鑿刀響白茅藉一物  
瞪目且員顙云是周南麕味美勝熊掌  
解剥旣迎刃傳火仍貫杖悠哉賓主情  
樂矣山泉賞芬芳入尊俎下箸忘揖讓  
兀然野水麋未許徒爭長金虀北海膾  
石首明州鯊唯甘久住人有時勞夢想  
雖能少咀嚼殊覺多牽彊爭如此割鮮  
雉永愜吾黨

三驅如有獲更向箕祠饗

次韻

許琮

朝家正渴賢恢恢罩天網黃門中高選青錢應萬  
鏐摛文握鴻筆妙處期獨徃千篇供一掃擲地皆  
有響霽雲麗層霄咫尺瞻堯顙使星動瑤墀卿  
月輝金掌天風吹珮環萬里玉節杖海嶠入豪談  
煙霞助清賞觴豆勞行驂示我以禮讓陽坡草蒙  
密赤吏此生長剗心忽登盤飢餒雜枯鯨鳳臙與  
龍炙應起仙厨想薄物信腥膻一啜真爲彊尊前  
一握手情親似鄉黨但取誠意耳兔首亦可饗

初八日自龍泉館東行見水濱一石壁儼然如

屏狀

董越

路出清濟見石屏東風亂點雨苔青鍊餘五色憐媧女移近三韓感巨靈濯垢豈勞南澗水凌空宜勒北山銘憑君更假如椽筆記我星軺此日經

王敞

龜甲懸空列錦屏好山不盡眼中青江分赤壁天垂險鼇戴方壺地効靈金谷紫絲開步障商巖鳥篆見盤銘憑誰移入東都去更與中郎寫石經

次韻

許琮

懸崖萬丈似圍屏陰雨長垂薜荔青泉竇鎔銀通  
海眼雲根積鐵壓坤靈欲磨雷煥騰龍劒擬刻華  
陽瘞鶴銘駐節夷猶回一眄爲煩鴻筆入圖經

安城館午飯許吏曹獻雉作包脩雉蓋吏曹奉  
鶻所獲者因作鶻邀雉一章以旌之三月初九

日

王 敞

有雉有雉健且雄奇毛五色雙顏紅草芽苦短漾新  
碧旭日翩翩荆棘叢韞鷹脫手誰能縛振翮凌風入  
寥廓老拳直欲碎豺狼此物安能供大嚼蕭蕭林壑  
寒生威雉今破膽還低飛頭垂已覺目光眩翅短翻

嫌肌肉肥翻身直下便椎擊白日空原驚霹靂試將  
玉爪聊爬搔碎首穿胸血猶滴判書日日閱玳筵欲  
將野味誇新鮮紅盤捧出錦毛亂把翫口角還垂涎  
斯首曾聞歌炙兔折項誰知出甘瓠禮稱執贄唯斯  
禽猶介由來似韋布毳毛入手勞細燂搗椒傳火還  
加鹽飣盤數脰切寒玉入口餘香董老髯賓筵洗盞  
謾酬酢美味何曾說脾臄東行指日搖歸旌此地盤  
桓須再約蒼鶻懸知才出羣海東千里搏青雲不貪  
似識判書意前身可是廉將軍

承示鶻邀雉佳作用次奉答司諫王公同事三

月十日在安城館漫錄

董越

朝飛有雉聞雉雄文采煥爛晴霞紅濛濛山霧濕欲  
落振羽已離深樹叢虞人幾度懷束縛原野蕭蕭正  
恢廓臂上蒼鷹未脫絛草中珂馬猶啣嚼鷹今一奮  
擊搏威移時落羽驚紛飛惟知眼底空花亂忘却山  
中野啄肥相催豈待鼓頻擊掩耳不遑愁霹靂雲邊  
殺氣朝稜稜空裏血光寒滴滴獲來已足充賓筵野  
水何須更擊鮮炙肉庖丁未沾口朶頤童子先流涎  
三穴曾聞避狡兔原頭逐草空槃瓠得似高飛一奏  
功行厨几案驚班布湯浮蟹眼毛已燂盤出水晶更

着鹽題品已歸司諫手芬芳更落叅軍髯瓠葉詩篇  
歌獻酢行葦佳肴說脾滕主人好客似當時嘉會何  
曾待期約未行先已念離羣憑謝江東樹與雲迢疎  
謾憶江都相俊逸須懷王右軍

次韻

許琮

山狂谷狠北風雄野火照天天爲紅枯枿宿莽燒  
痕黑春雨一洗皆芳叢材官力健虎可縛醉眼茫  
茫天宇廓平生最喜呼野鷹獨騎寶馬金勒嚼虬  
髯髯髻顧眄威馬蹄逐逐如雲飛雙雙嬌雉羽櫛  
櫛原頭飲啄春正肥一片白雪恣所擊晴空萬里

驚霹靂綵翼墜地錦離披寒血隨風雨點滴金閨  
日日賜瓊筵烹龍炮鳳窮芳鮮仙庖玉羞難罄名  
世人聞之流饞涎今年持節到玄菟行厨冷落唯  
葡萄瓠忽見綵雉一雙至錦檐繡襠盤中布立命厨  
人付湯燐塗以蜀椒加吳鹽爲愛野味屢下筯欲  
題句子時掀髯此物亦足供酬酢尊前莫恨無脾  
臆人生會合自有數此生此會難更約開懷劇談  
鉅霏屑爛醉狂歌聲徹雲窮歡正可追韓張惜無  
阿買張吾軍

渡大定江憇江亭草酌

王 敞

錦纜橫拖岸輕撓不受風江山空濶處煙樹有無中  
野燒回新綠林花破小紅安期如見訪鶴馭穩凌空

其二

海味時供饌江魚旋作羹幽亭臨斷岸釣艇繫前楹  
淑景薰人困澄波照眼清半生山水癖對此更含情

其三

素幔迎風颭方舟帶纜牽蓼湯匙刺盞茶竈日烘煙  
覽勝添詩興看雲欲晝眠江湖蕭散意誰似老夫便

次韻

許琮

雀舫橫官渡穩乘破浪風春歸飛鳥外天濶落毗

中岸柳和煙碧巖花浸水紅金刀看斫膾放筍玉盤空

旣無雲子飯又乏月兒羹把酒思兼味看山倚畫楹襟期如水淡詩思抵冰清他日重來此悠悠不盡情

湖山閒作伴詩酒慣相牽江燕飛衝雨沙鷗去破煙松枝初鶴睡桑葉未蠶眠晚覺滄洲興唯應老漸便

杜鵑花

王 敞

杜鵑口中血染作枝上花東風盡吹破燂燂如朝霞

岡巒靄蒼翠照映當日斜  
脂唇淡櫻顰鶴頂明丹砂  
殘粧含酒暈玉膚籠絳紗  
俗呼映山紅其名良可嘉  
去年事西蜀小亭啜春芽  
忽聞杜鵑啼潛然淚如麻  
其聲實哀怨其狀如老鴉  
訴苦頻嗷嗷不異華林蛙  
今春過朝鮮到處逢奇葩  
其色令人愛其聲令人嗟  
聲色反覆間憂喜遠相差  
無乃倦行役經年客天涯  
可喜一過目不覺度歲華  
可憂一入耳翻然苦思家  
憂喜良在心微物誰能加  
茲行頗不惡三月還星槎  
便當渡遼水不似凌三巴  
題詩聊記異博物慙張華

次韻

許琮

奔峭臨蒼灣爛熳開雜花最愛紅杜鵑染出層城  
霞露衰色淡佇風擺枝橫斜火翻焦僥旗顚包匄  
漏砂姑射玉雪膚隱約紅暎紗隔溪遙見之立馬  
成歎嘉正似碧海底珊瑚新茁芽去春住村莊山  
雨如懸麻青林花事晚禿樹空啼鴉寒聲夜未歇  
草池暴鳴蛙朝來忽放晴漫山開新葩手揀最繁  
枝挿帽還客嗟筋力能幾何賞心易成差今年乘  
官驟遠在鴨水涯芳歲坐荏苒慘然傷物華男兒  
志遠遊肯復念其家但恐名不立老形來侵加春  
光正欲暮千里還使槎老鴈哭煙樹聲聲如岷巴

臨鸞不用照雙髻應成華

連日途次雅意譯者多不能通彼此誠不能無  
悵然處近復來傳用樂一事極知諸君克體

賢王愛客之誠但吾輩之辭誠亦有說恐譯者  
復蹈前轍鄙意莫通因成一詩錄去將命諸君  
子惟亮之 董越

宮懸久已撤宸旒爲屬先皇遏密秋風草固應  
同遠邇管絃何必雜歌謳閒情讓與司空慣禮度曾  
如東國優自古初筵歌秩秩無過主獻與賓酬

次韻

許琮

鑾坡學士侍 珠旒正是承 恩褱直秋身在青

雲方穩步賦裁白雪揔堪謳四知伯起清貧甚三  
策江都學業優不許紅裙來佐酒只將文字爲賡

酬

屢承 賢王遣官接宴間携女樂遠來以盡樂  
賓之情雅意曷勝但 聖天子在諒陰中人臣  
遠使外藩豈宜當此正使董內翰已作詩卻之  
予因席上口占二律用示諸君子工拙皆不暇  
計也 王 敞

天上龍輿返大羅小臣有淚正懸河  
星明 帝座皇

恩布 詔賜東藩寵渥多已遣判書供館伴不勞妓  
女舞天魔諒陰況在嫔嫔日恐使當筵連臂歌

其二

望斷龍髯杳莫追傷心黎庶淚雙垂普天

缺

喜新頒

詔 嗣聖重光又繼離舉國傳呼觀使節當筵誰遣  
用歌姬兩行粉黛須回首謬舉由來衆見嗤

次韻

許琮

公館青春宴綺羅荒城日暮訪山河三行破笑猶  
無賴一部從伶覺謾多以禮嚴防真警世有詩新  
格可降魔但愁歸採風謠日東國無由載樂歌

明庭玉帛早相追歲歲長承雨露垂虎拜千秋曾  
祝壽 龍飛五位又重離觀風海上來周使舞雪  
尊前卻楚姬但使廣平腸似鐵梅花賦後没人嗤

三月望日成均館謁宣聖廟

董越

碧山如畫對庭階一水環流見聖涯漾漾藻芹多士  
米悠悠風月四時皆久知道化同元氣不異炎荒與  
雪厓仰止仍墻今白首坐忘渾未識心齋

次韻

許琮

聖德如天不可階持螯欲測海無涯詩書一脉源  
源在廟貌千年處處皆芹泮春風流碧水杏壇朝

日上蒼厓青衿多少修葺者燈火吾伊湔九齋

坐明倫堂喜諸生進退式禮

董越

子佩青青綠樹陰百年王化被來深文章已變西

崑體絃管應遺太古音碧藻春風隨杖屨扶桑初日  
映璆琳東藩久說衣冠盛聲實相符見自今

次韻

許琮

森森翠栢滿庭陰涵養菁莪歲月深道德但能修  
孔業詞章不復數唐音鳳來丹穴皆金羽玉出藍  
田盡紫琳自是聖朝文化遠藩邦絃誦少如今  
謁成均宣聖廟偶成一律錄似同行諸君子

王 敞

廟枕山阿水繞垣百年文教自中原  
詞臣鵠立親頒詔 天子龍飛正改元  
半壁橋門開講席諸生詞賦擬文園  
莫將小技誇頭角好爲尋師一問源

次韻

許 琮

平生寡學穴墻垣聖域那知道大原  
少日焚膏空兀兀老年無術及元元  
王通講道長精志董相傳經不視園  
何幸如今親謦咳欲將洙泗問淵源

三月望日登漢江樓

董 越

突兀層樓倚漢江東來形勝訝無雙  
晴連蜃氣迷三

島寒送潮聲上八牕螺髻拂雲山疊翠鷗絃鼓夜石  
流淙凭高自古偏能賦此日慙非筆似杠

是日國王預遣二承旨於樓中設宴坐見風  
水成文用賦一律

凝睇大江濱樓高礙白雲地山謙受益風水渙成文  
隱約鼉鼉窟驚飛鷗鷺羣衣冠樂嘉會不覺到斜曛

泛漢江

連艦泛中流蘭橈蕩不休長風翻雪浪遠樹渺晴洲  
帆影尊前落山光鏡裏浮煙波名利客得似載虛舟  
漁舟絡繹獻魚戲詠用博同遊一粲

臂袒髻還蓬，拏舟各獻功。  
望迷空碧裏，心在有無中。  
雨纜閒芳芷，煙蓑繫短蓬。  
尊前懽受賞，絕勝問耶筒。

楊花渡

星斗遙隨漢使槎，又從古渡泛楊花。  
晴洲芳杜迷青柳，淺水輕鷗漾白沙。  
十幅蒲帆商客棹，幾株煙樹野人家。  
長風萬里將乘浪，笑指扶桑路不賒。

晚登望遠亭

日斜猶上最高樓，光景流連笑不休。  
堤柳嫩含江樹暝，渚煙輕逐野雲浮。  
凭欄不入平生夢，秉燭真成此夜遊。  
歸路火城看漸近，銀蟾初放海東頭。

次韻

許琮

綉闥雕甍枕碧江坐中風物儘難雙鸞奩寒影開  
千頃蛟室晴光射四牕花雨送紅飛野岸松濤搖  
翠和巖淙春來慣作還朝夢遙向天門望錦杠

玉節駐清瀆鳴騶鬧似雲江山供勝賞尊酒樂斯  
文風急搏羊角波翻起鴈羣掀髯了詩句遠岫已

西曛

右登漢  
江樓韻

倚檻瞰奔流悠悠春事休水通烏鵲渚地接鳳麟  
洲暖日蛟涎長晴空蜃氣浮萬人期利涉要待濟

川舟

右泛漢  
江韻

往來類轉蓬得雋竟爲功小艇蒼煙外纖鱗綠網  
中輕風傳畫角微雨濕孤篷眼底新詩好相投不

用筒

右獻  
魚韻

石岸船回送海槎江光漱漱動菱花煙沉別浦迷  
魚扈風入芳洲漲鴈沙桃浪初登四五尺柳陰深  
映兩三家海門西去蓬萊近始覺乾坤眼界賒

右楊

花渡  
韻

樓船纔下又登樓倚遍雕欄望未休山影翠連簾  
影重霞光紅襯鏡光浮黃雞不用玲瓏唱金虎還  
期汗漫遊更借飛仙雙玉琯夜深吹上五雲頭

右登

望遠  
亭韻

漢江遊覽偶成五詩錄似同行諸君子

王 敞

斷岸閒登百尺樓青簾畫舫漢江遊  
杯傾瀲灩飛鸚鵡鳥送歌聲聽栗留  
蘇老洞簫吹赤壁安期鶴駕過丹丘  
不須鞭石看東海雲樹依倚見十洲

其二

楊花渡頭春水深蒲芽出水抽瑤簪  
帆檣四塞來萬斛賈客一飯輕千金  
碧山靜坐對誰語白鳥忘機知我心  
此邦百年涵帝澤逼人禮義看駸駸

其三

萬騎沙頭立孤鳶屋角飛江光翻日出花氣入簾微  
酒盞酬還酢江樓坐不歸天涯春欲暮便覺賞心違

其四

鳴泉分礪道乳鷺拂江天風定宜催櫓潮平好放船  
深林花眩錦斜日水生煙對景償詩債奚囊又幾篇

其五

江轉浪初靜詩成酒半酣金刀看削栗玉碗喜分柑  
丘壑真吾癖山川藉客談凭欄高着眼勝槩盡東南

次韻

許琮

萬疊蒼霞聳綵樓  
暫時登眺足清遊  
東風巷陌楊花落  
薄暮簾櫳燕子留  
十二金釵扶畫棟  
一雙丹鳳下仙丘  
望中不覺春潮惡  
倒卷魚龍沒舊洲  
葡萄潑眼碧深深  
尊酒從容此盍簪  
兩使風姿雙白壁  
一時文價萬黃金  
日銜鴉影沉雲脚  
風送龍腥出水心  
薄暮溪山儘奇勝  
莫教歸騎更駸駸  
層崖高不極  
畫閣似暈飛帆影  
來滄海  
簷牙壓翠微  
鷗眠知浪靜  
鵲老怨春歸  
握手輸肝肺  
杯行且莫違

高樓來萬像  
斜日下遙天  
青瑣風流客  
紅舫罨畫

船黑鼉吹海浪白鳥破江煙健筆揮如槩長篇更  
短篇

郭外無塵事滄洲趣正酣新茶烹紫笋春酒釀黃  
柑鱗鳳奇毛羽魚龍駭笑談異鄉花鳥晚歸夢大  
江南

晚登望遠亭

王 敞

花柳春將暮峰巒晚更青楊花橫古渡望遠坐江亭  
海月墮林白山風吹酒醒長檠燒絳蠟強飲盡銀瓶  
其二

火樹擎三匝江流更一灣夜游真落魄好興未闌珊

小艇間漁浦嚴城候守關東方元未白月色照前山

次韻

許琮

湖水涵虛白山容擁缺

青鳬舟凌翠浪蠟燭宴紅

亭雲缺蟾光露風清鶴夢醒襟期真不淺臨去倒  
雙瓶

乘槎來萬里星彩動銀灣日照袍光麗風微珮響  
珊珊鷗聲喧水柵鴈影度江關海岸晴雷至潮頭湧  
雪山

觀射并喜漁人獻魚

王敞

善射輸猿臂閑絃挽角弓可能穿七札聊復貫雙熊

撫劒匹夫勇封侯三箭功老夫元解此美爾更專攻

其二

細浪搖青嶂江雲暗碧虛小舟齊曳網巨眼試觀魚  
赤鯉還濡沫金刀肯赦渠長髯携數尾不愧老爲漁

其三

一鰕剛三寸充盤獻一頭餘殃知及爾數苦漏吞舟  
靈沼思春育天池愧遠遊微勞希厚賞漁子亦堪羞

次韻

許琮

劒士氣如虎能開明月弓官街驅赤兔宮苑射黃  
熊早負穿楊妙將成破竹功自憐雙臂軟老病任

來攻

浩浩長江水晴光切大虛紅檣飛畫鷁綠網罩嘉  
魚把酒思娛客供厨正賴渠年年香土裏無計伴  
樵漁

萬頃寒瑤碧茫茫天盡頭官橋晴曬網野渡晚移  
舟溫水思同釣濠梁今更遊江湖負幽夢到此得  
無羞

題大平樓

王 敞

紛紛使節來碧蹄壁間濃墨閒畱題登樓雪霽作長  
賦倪公筆力凌昌黎文章末技吾頗厭大道多歧人

更迷若將詩句鬪工拙甕天小見真醯雞

三月十四日晚眺太平樓次王黃門韻

董越

長途日日催輪蹄風花過眼忘品題層樓向晚試縱  
目連甍接棟皆羣黎東風滿園桃李放落日數峰煙  
霧迷夜深就枕驚一覺東方喔喔聞晨雞

次韻

許琮

新詩忽得金褭蹄光芒逗日連璇題貂蟬肯許續  
狗尾燕石安能償懸黎樓臺是處香霧合風雨幾  
家煙樹迷春光過眼不容貸聽唱白日催黃雞

戶曹鄭判書在大平館與予相處者五日茲當  
戒行詩以識別

董越

黑髮蒼髯美丈夫清談娓娓步于于晚風淇水看脩  
竹曉日高岡見碧梧候館詩篇陪使節東藩邦計重  
司徒文園病渴偏能賦倚馬從人笑鶴癯

詩別鄭戶曹情見于辭

王敞

仗節東藩下鳳池已拚五日定歸期使輶共識殷員  
外賓館纔逢鄭度支牢落蠹魚諳典籍清癯海鶴好  
威儀香名爲汝須傳播京國懸知有項斯

三月十八日宿碧歸館

董越

使華前度驀山溪去意駸駸望眼迷草木無情應笑  
我風光隨處不畱題歸裝尚擁青油幕去馬仍翻碧  
玉蹄始信鴻飛定遶渚雪泥蹤跡任東西

次韻

許琮

郵亭落照蘸寒溪芳草萋萋望欲迷玉鳳嚙書宣  
霈澤蒼虬卷海入新題九天風雨隨龍節萬里山  
河送馬蹄玉署羣賢正相待夢魂先到朶雲西  
去日初見梨花歸時搖落殆盡用紀一絕

董越

去日棠梨葉未舒重來香雪滿庭除  
帝鄉回首三

千里纔是東歸發軔初

次韻

許琮

梅子成人草帶舒  
山禽磔磔響階除  
鴨江波嫩星槎過  
屈指歸期四月初

晚宿碧蹄館

王敞

使星昨夜照遼西  
又喜東還過碧蹄  
駿骨垂鞭催騾裏  
香魂滿地謝棠梨  
樹綠入夏重陰合  
烏爲畱人着意啼  
青瑣別來勞夢想  
便看通籍步金閨

次韻

許琮

小橋分入路東西  
又向長亭散馬蹄  
青雨流膏翻

翠麥丹霞吹酒上紅梨傍簷胡燕迎風舞隔樹班  
鳩盡日啼不負平生弧矢志揮鞭寧復念香閨昨日  
正使大人戲詠揮鞭萬里去  
安得念香閨之句故及之

重經坡州館午膳

董越

歸路坡州一住驂滿前風物似江南林鶯隔缺聲初  
滑階蟻經春戰未酣躑躅猩唇飛冉冉酴醾香雪落  
毵毵前驅笳鼓頻催發鄉思撩人正不堪

次韻

許琮

歸路悠悠暫解驂漏雲斜日照東南松梢風入濤  
聲殷花蘂晴薰國色酣隔水好山青靄靄撲簾飛

絮白毵毵傷春自是尋常事送客情深兩豈堪

坡州館午飯口占二絕聊寓惜春之意云

王 敞

紛紛車騎入坡州爲看飛花惹却愁自入宦途清興  
減不將詩酒伴春游

其二

下馬郵亭待夕曛片時土炕夢梨雲天涯滿眼迷芳  
草春色三分無半分

次韻

許 琮

華節東回海上州春歸一夕併生愁閒庭點檢花

消息且作東風爛熳游

徙倚窻櫺日未曛春山燒處起晴雲一年光景無  
多子漲綠掀林已十分

宿東坡館

董越

玄菟地與岷峩隔大蘇此地無行跡高門巨扁偶然  
同草木山川便生色陂陀延迤青松陰名按方隅豈  
自今楊梅不是脩家物孔雀元非宣聖禽山高蒸雲  
山霧濕來時曾戴東坡笠夜深不誦東坡詩地靜恐  
驚山鬼泣遙遙歸路扶桑暎深夜梨花閉重門新詩  
聊與紀遭遇豈同安石閒爭墩

次韻

許琮

玉堂天上風日隔人間無路尋仙跡  
蓮燭搖紅草雲牋紫皇非常賜顏色  
才高不數何與陰獨步花磚名擅今  
星槎萬里度東藩海山處處聞春禽  
醉跨金鰲浪花濕遠眼茫茫天倚筌  
手拾明月過雲洲千歲老蛟水中泣  
東窮若木見朝暾鸞旌羽蓋騰天門  
離愁萬斛洗難盡呼酒擬登阿姥墩

宿東坡館

王敞

歸心懸北極乘傳入東坡間竹桃花少  
漫空柳絮多三行中酒聖百戰定詩魔  
明日開城道松陰匹馬過

次韻

許琮

薄暮投孤館垣墻接斷坡江聲侵夜近山色被春  
多花鳥挑鄉思茶槍戰睡魔旆旌從此去何日又  
重過

渡臨津江

王敞

渡口臨沙磧江流赴石門銀絲看作膾玉乳喜蒸豚  
野雉供燔炙山花映酒尊扁舟須縱飲斜日照前村

次韻

許琮

鳥影沉雲渚潮聲隱海門遠風搏野馬晴日聚河  
豚客路山千簇離情酒一尊隔江凝望處花柳數

家村

寓宿開城并懷古二詩錄一過以志東行之歲月云

王 敞

刺眼羣峰露碧尖野雲時作雨纖纖開城古國曾稱險  
嵩嶽殊方頗具瞻地控三韓惟種織利窮東海只魚鹽  
品題賸有詩千首又恐奚囊笑不廉

其二

荆榛滿眼坐荒臺山擁青蓮次第開閣道黃花迎我  
笑女墻明月爲誰來原頭麥浪驚風颭樹杪泉聲入  
夜哀麋鹿不知陵谷變松陰時見下城隈

次韻

一以寓景仰之意  
一以敘懷古之情

許琮

客裏曾看月再尖  
歸時芳草綠纖纖  
江東見說推王導  
海外何知識子瞻  
萬里行裝伴龜鶴  
一生勲業作梅鹽  
詩筒日日相來往  
西子前頭愧隴廉  
十二紅簾七寶臺  
國亡家破野花开  
荒池蒲長鳧翁沒  
廢苑煙深鹿女來  
草色晴連山色遠  
松聲時帶澗聲哀  
一尊不盡登臨恨  
寒日蕭蕭下岸隈

金郊館午餉

董越


亭午憇金郊  
初當春夏交  
花香蜂釀蜜  
樹古鵲成巢  
入饌先炮雉  
彎弓不射麇  
紛紛楊柳絮  
大半落庭坳

次韻

許琮

華屋青山下童童樹影交  
草深麋解角風暖燕爭  
巢洗盞唯浮蟻行厨只供  
麇斲時成假寐歸夢繞  
螭坳





樂

集

六